

Ko e, ha tautolu a Faahi Malolo Tino mo e Tau Tino ku nakai Katoatoa

Ko e leo he tau maaga mo lautolu kua lauia ai

Kua, lata he tau tagata ne nonofo uho he Faahi Malolo Tino ma e Anoiha ke, fanogonogo mo e fakakite e tau manatu he tau magafaoa, tau maaga mo lautolu e tau tagata kua fakaaoga e sisiteme ke talaga e tau lagomataiaga kua lata tonu ma e tau tagata.

Heigoa kua hiki?

Ko e tau fakaholoaga ma e anoiha, kua lagomatai atu ki ai ke he kitiagaga mo e tau takitakiaga he tau maaga, tau matakau kehekehe kua lauia ai e tau maaga mo lautolu ne fakaaoga e tau lagomatai ia, Kua, maeke he mena nai ke fakakite e aoga mo e mahuiga he leo he tau maaga mo e tau magafaoa ke he tau lagomatai kua moua.

Iloa, ki ai tokologa he tau matakau kehekehe kua tau-fe-tului ke gahua auloa mo lautolu kua fakaaoga e sisiteme ke he puhala kua hako. Ko e, tau puhala ma e anoiha to lagomatai atu ke he, Faahi Malolo Tino Niu Silani, Faahi Malolo Tino Maori mo e Minisituli Faahi Malolo Tino ke moua e fakaaogaaga he tau puhala gahua kua lauia ai e tau maaga, tau magafaoa mo e kua lata-tonu mo e ha lautolu a tau manako.

Ke, fakatau o, mo e tau mena nai to, tamai auloa e tau matakau kua fakaaoga e tau puhala ke he tau fakafetuiaga nai. Ko e, tau matakau nai to matutaki ia mo e Faahi Malolo Tino Niu Siulani, Faahi Malolo Tino Maori mo e Minisituli Faahi Malolo Tino ke mailoga e tau leo kua hako ke lata moe tau fakatutalaaga.

Ko e, tau fonoaga to mailoga ai kua hako e tau utaaga he tau fekau ke he tau matutakiaga he tau talahauaga kua tatai ia mo e hikiaga foonu he Faahi Malolo Tino. Ko e, fonoaga nai to nakai lagomatai atu ke he tau tagata takitokotaha ka e, to lagomatai atu ke he tau leo he tau faahi oti, tau matakau maaga, ne kua lagomatai atu ke he ha lautolu a tau tagata.

Ke, fakahiku aki, ko e holoaga anoiha to moua ai taha potaaga he tau talahauaga mai he tau magafaoa, tau maaga ke he ha lautolu a tau talahau kua lata ke gahua ki ai.

Ko e ha?

Haha iai e kehekeheaga he tau talahauaga mai he tau leo he tau maaga mo lautolu e tau lagomatai. Falu he tau talahauaga kua mua atu e kakano kako e falu kua nakai haha iai ha talahauaga kua tonu. Ko e, leo he puke tagata kua mua-atu e lololole, kua lauia ai e tau tagata Maori mo lauotlu kua nonofo tokolalo.

Ko e mena uka lahi ke he tau magafaoa mo e tau maaga ke logona mo e iloa ha lautolu a tau leo mo e iloa kua fanogonogo ki ai ke he tau leo kua hako. Tote, lahi e falanakiaga ke kitia kua logona e leo he tau tagata fakaaoga e tau lagomatai po ko lauotlu kua fakagahua mo e taute fefe.

To, kitia fefe anoiha?

Ko e, sisiteme anoiha to:

- fakamukamuka ma e tau tagata fakaaoga, tau maaga mo e tau magafaoa ke lalafi atu ke he faahi malolo tino ke, lagomatai atu ke he tau talagaaga he tau lagomatai maaga mo e lagomatai atu ke he tau palana
- fakakite e tau manako po ke maeke fefe he leo he tau tagata fakaaoga mo e tau maaga ke matutaki atu ke he fakaholoaga katoa, tau matakavi mo e tau maaga haha iai
- fakatolomaki e tau koloa lagomatai ma e tau Matakau ne kua lauia ai e tau tagata kua lolole mo e nakai fai totouaga
- fakaohoho atu e tau fakaaoga mo e tau matakau maaga ke moua e fakamaloloaga faka-kautu mo e tau maaga ke maama mitaki mo e fakatumau ke gahua fakalataha.
- kua, lata ke tuku--ki-luga ke he loto-uho e leo Maori ko e pou ma e tau tagata fakaaoga "ma e Maori, ma Maori"
- lata ke kitia kua maama mo e tumau e tau puhala ke fakamukamuka-aki e tau manako he tau magafaoa.

Heigoa foki?

To, kamata e mautolu e falu he tau puhala nai ke kitia kua fakamua e leo ha lautolu kua lolole mo e fakamua kia lautolu e tau tagata fakaaoga ke he 18 e tau mahina haha i mua. To, kumikumi foki e mautolu falu a puhala ke taofiaki e leo he tau tagata fakaaoga mua atu kia lautolu kua lolole.

Ko e gahua nai to lauia ai e faahi malolol tino mo lautolu e tau tagata fakaaoga, tau magafaoa moe tau maaga.

Manako, ke iloa atu foki?

Falu a vala-tala foki, ke lata mo e fakafoouaga he faahi malolo tino, haha iai ke he uepesate he DPMC i lalo hifo he Transition Unit:

www.dPMC.govt.nz/our-business-unit/transition-unit